



Gradonačelnik

Ul. Varoških polja b.b., tel/fax: 035/369-162, e-mail: opc.sreb@bih.net.ba, web: www.srebrenik.ba

Broj: 07-2576/23

Datum: 22.08.2023.godine

Gradonačelnik na osnovu člana 70. stav (1), (3) Zakona o javnim nabavkama ("Službeni glasnik BiH", broj: 39/14 i 59/22), Budžeta Grada Srebrenik za 2023.godinu, („Sužbeni glasnik grada Srebrenik“, broj: 4/23), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) i člana 11. Privremene Statutarne odluke grada Srebrenik („Službeni glasnik grada Srebrenik“ broj:1/09), a na preporuku Komisije za javnu nabavku po Zapisniku o pregledu i ocjeni ponuda, broj: 07-2576/23 od 15.08.2023. godine za *nabavku izvođenja radova na izgradnji kanalizacionog kraka za odvodnju otpadnih voda u MZ Bare*, d o n i o j e:

**O D L U K U
O IZBORU PONUĐAČA**

I

Prihvata se preporuka Komisije za javnu nabavku, po zapisniku broj: 07-2576/23 od 18.08.2023. godine te se Ugovor za javnu nabavku *izvođenja radova na izgradnji kanalizacionog kraka za odvodnju otpadnih voda u MZ Bare*, dodjeljuje ponuđaču **“HIDROMONT” d.o.o. Srebrenik** u iznosu **110.998,00 KM (cijena bez PDV-a)**, odnosno u iznosu od **129.867,66 KM (cijena sa PDV-om)** a u skladu sa ponudom broj: 0818/23 od 15.08.2023. godine.

II

Ponuđač je dužan u roku od 7 dana od dana prijema ove odluke, dostaviti dokaze po članu 45. stav (2) Zakona o javnim nabavkama iz 13. Dokazi za kvalifikaciju po članu 45 ZJN, tačka 13.1. tenderske dokumentacije. Dokaze koje dostavlja izabrani ponuđač ne mogu biti stariji od tri mjeseca, računajući od dana dostavljanja ponude.

III

Ova odluka objavit će se na web-stranici www.srebrenik.ba istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

O B R A Z L O Ž E N J E

Ponude po Otvorenom postupku, broj: 07-2576/23 od 28.07.2023. godine, objavljenom na Portalu javnih nabavki, Obavještenje o nabavci broj: 761-1-3-34-3-41/23 od 28.07.2023. godine i sažetak obavještenja o nabavci, objavljen u „Službenim glasniku BiH“ broj: 54/23 od 04.08.2023. godine za *izvođenje radova na izgradnji kanalizacionog kraka za odvodnju otpadnih voda u MZ Bare* dostavili su ponuđači: „KONZORCIJ PONUĐAČA „Bušenje ispod puteva – BORHTECHNIK“ d.o.o. Brka, Brčko i „PAPILON“ d.o.o. Čelić, „HS BAUKOP“ d.o.o. Gračanica i „HIDROMONT“ d.o.o. Srebrenik.

Komisija za javne nabavke je nakon pregledanja ponuda utvrdila da su ponude ponuđača KONZORCIJ PONUĐAČA „Bušenje ispod puteva – BORHTECHNIK“ d.o.o. Brka, Brčko i „PAPILON“ d.o.o. Čelić i „HS BAUKOP“ d.o.o. Gračanica, ocijenjene kao neprihvatljive i nepravilne, iz razloga što iste *ne ispunjavaju kriterije za kvalifikaciju privrednog subjekta (neprihvatljiva)* i nisu u skladu sa *tenderskom dokumentacijom (nepravilna)*, pa su kao takve odbačene.

U ponudi ponuđača KONZORCIJ PONUĐAČA „Bušenje ispod puteva – BORHTECHNIK“ d.o.o. Brka, Brčko i „PAPILON“ d.o.o. Čelić, Potvrda naručioca posla o uspješno izvedenim radovima, broj: 13-002214/20 od 06.08.2020. godine, na 99. stranici ponude, iz koje je vidljivo da predmeta ponuda ne ispunjava uslov iz tenderske dokumentacije pod tačkom 11.1, pod c), II – uspješno iskustvo kao glavnog izvođača ili podizvođača u realizaciji najmanje jednog ugovora čiji su karakter i kompleksnost isti ili slični onima koji se odnose na predmetnu nabavku u prethodne 3 godine (2020, 2021, 2022) i uzet će se kao prihvatljiv ugovor dokaz za iste vrste ukoliko je završen u tekućoj godini. Obzirom da je iz sadržaja Potvrde od 06.08.2020. godine vidljivo da je period izvođenja radova za navedeni ugovor septembar 2019. – februar 2020. te kao takav ne ispunjava određeni postavljeni vremenski period - „u prethodne 3 godine“. Nadalje, ponuda ponuđača KONZORCIJ PONUĐAČA „Bušenje ispod puteva – BORHTECHNIK“ d.o.o. Brka, Brčko i „PAPILON“ d.o.o. Čelić ne sadrži Nacrt ugovora, a kako je to zahtijevano tačkom 15.2 pod h) Tenderske dokumentacije – Ponuda mora sadržavati sljedeće dokumente ... h) Potpisan nacrt ugovora, koji je sastavni dio tenderske dokumentacije – Prilog VIII. Zatim, u Predmjeru i predračunu radova, na 130. stranici ponude, uočena je računaska greška, na način da obračun za stavku pod r/b 3. ne iznosi upisanih 1.008,00 KM (bez PDV-a), nego 1.010,40 KM (bez PDV-a), zatim obračun za stavku pod r/b 6. ne iznosi upisanih 1.650,00 KM (bez PDV-a), nego 1.150,00 KM (bez PDV-a), a što implicira da ukupan iznos Zemljanih radova treba da iznosi 14.797,40 KM a ne upisanih 15.295,00 KM, a ne Montažnih radova jer su ponuđači zamijenili stranice predmjera i predračuna radova. Međutim, obzirom da je ponuda ponuđača KONZORCIJ PONUĐAČA „Bušenje ispod puteva – BORHTECHNIK“ d.o.o. Brka, Brčko i „PAPILON“ d.o.o. Čelić svakako neprihvatljiva i nepravilna zbog naprijed navedenih razloga, Komisija nije ni zahtijevala saglasnost za ispravku računaska greške.

U ponudi ponuđača „HS BAUKOP“ d.o.o. Gračanica, Izjava ponuđača, na 2. stranici ponude je nepotpuna i nepravilna jer nisu upisane Cijene ponude u tački 2. Zatim, potvrda naručioca posla o uspješno izvedenim radovima na 40. stranici ponude, ne ispunjava kriterij tražen tačkom 11.1, pod c), II – uspješno iskustvo kao glavnog izvođača ili podizvođača u realizaciji najmanje jednog ugovora čiji su karakter i kompleksnost isti ili slični onima koji se odnose na predmetnu nabavku u prethodne 3 godine (2020, 2021, 2022) i uzet će se kao prihvatljiv ugovor dokaz za iste vrste ukoliko je završen u tekućoj godini. U konkretnom slučaju, predmet ugovora, odnosno izvedeni radovi navedeni u Potvrdi svojim karakterom i kompleknošću ne odgovaraju predmetnoj nabavci, dakle, nisu isti, a ni slični, zato što se odnose na radove vodovodnog sistema, a ne na radove kanalizacionog sistema. Dalje, Nacrt ugovora o izvođenju radova na 53. stranici ponude, nije popunjen, kako je to zahtijevano tačkom 22.1. Tenderske dokumentacije – „Sastavni dio ove tenderske dokumentacije je Nacrt ugovora, Prilog VIII u koji su uneseni svi elementi iz tenderske dokumentacije. Ponuđači su dužni uz ponudu dostaviti Nacrt ugovora u koji su unijeli podatke iz svoje ponude, te parafirati i ojeriti sve listove istog“.

Komisija je utvrdila da je ponuda ponuđača „HIDROMONT“ d.o.o. Srebrenik jedina potpuna i da ispunjava sve uslove tražene tenderskom dokumentacijom. Računskom provjerom u istoj nisu uočene računaska greške. Stoga je Komisija, nakon svega naprijed navedenog konstatovala da je za nabavku izvođenja radova na izgradnji kanalizacionog kraka za odvodnju otpadnih voda u MZ Bare ponuda ponuđača „HIDROMONT“ d.o.o. Srebrenik ocijenjena kao prihvatljiva u iznosu od 110.998,00 KM (cijena bez PDV-a), odnosno u iznosu od 129.867,66 KM (cijena sa PDV-om) i predložila je Gradonačelniku prihvatanje iste ponude, a shodno članu 70. Zakona i donošenje Odluke o izboru ponuđača „HIDROMONT“ d.o.o. Srebrenik za nabavku izvođenja radova na izgradnji kanalizacionog kraka za odvodnju otpadnih voda u MZ Bare u iznosu 110.998,00 KM (cijena bez PDV-a), odnosno u iznosu od 129.867,66 KM (cijena sa PDV-om).

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te da je ocjenu ponude izabranog ponuđača izvršila u skladu sa kriterijima iz tenderske dokumentacije, Zakonom o javnim nabavkama i podzakonskim aktima.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08) i člana 11. Privremene Statutarne odluke grada Srebrenik („Službeni glasnik grada Srebrenik“ broj:1/09), odlučeno je kao u tačkama I., II. I III. ove odluke.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Dostavljeno:

1. Ponudaču 3x,
2. Evidenciji,
3. Arhivi,

**GRADONAČELNIK**

Adnan Bjelić